

Aen Fungsug Baiq Sah Bouxdung

□ Maj Veiyungz comz hoiz



▲ Vunzlai Dungcu ram buzcoj “Sahsui” bae cetcunz gak mbanj.



▲ Vunzlai Dungcu ciep “Sahsui” haeuj mbanj.



▲ Buzcoj Dungcu “Sahsui” haeuj mbanj gvaq ranz soengq fuk.



▲ Ngoenzciet daemcuk ceizet dakdaih beixnuengx.



▲ Bouxhek caeuq vunzlai Dungcu caemh gwn ngaiz-doxrop.

Gyoengq beixnuengx Bouxdung daj ciuhgeq couh nyinhnaeuz: Bouxdung wngdang ciengzseiz baiq “Sah”, mboujlwnh saeh hung roxnaeuz saeh iq. Baiq Sah couh dwg caeqbaiq boussaenz “Sahsui”. Haenx dwg Vahdung yaemhoiz gvaqdaej, eiqsei dwg buzlaux, buzcoj gig miz diegvih de. Moix bi liggaueq ngeih nyied daih’ it aen ngoenzmaux couh dingh guh ciet baiq Sah Bouxdung lo, haenx caemh dwg aen ciet gyoengq beixnuengx Bouxdung cawz ok gvaq cieng le ceiq hoengh ndeu.

“Sah” couh dwg Dahging, boux yinghyungz ciuhgeq Bouxdung youq ndaw cienzgangj haenx. Cienznaeuz Dahging lai mbat daiq gyoengq vunz Bouxdung dinghoenx gij vunzdig daeuj ciemq dieg gyoengqde haenx, yungh gij mingh swheij vuenh ndaej gij bingzan gyoengq vunz Mbanjdung. Vunzlai Bouxdung couh heuh de guh “Sahsui” roxnaeuz “Sahmaj”, gak mbanj vanzlij guh aen daizbaiq bae cienmonz baiq “Sah” daeuj geiqniemh de. Haenx couh cugciemh bienq baenz le dauq yizsiz caeqbaiq caeuq daizbaiq guenjieix ndeu lo. Baeznaengz ndaw mbanj cungj baiq vunz cienmonz guenjieix daizbaiq, coit, cibngux cungj aeu bae siu yieng gingq caz, vunz diegwnq mbouj ndaej haeujbae. Mbanjdung moix bi cungj yaek banh mbat daihcae q ndeu, haenx dwg gij hozdung mbanjdung ceiq goenggingq ceiq hoengh haenx. Daengx mbanj vunzlaux lwgnyez bouxcoz cungj yaekaeu comz youq baihnaj daizsaenz “Sahsui” caeqbaiq gonq, gyoengqde doxcomz youq henz “Daizsah”, deq goengdauh Bouxdung diemj feiz go’ ngaih siengcwngh vuenyungz gitleih haenx ndaej le, couh gag daiq ma ranz.

Ngoenzciet, cawzok hanghmoeq conzdung lumjbaenz ram Sah youz haw, yizsiz caeqbaiq daengj, vanzlij banh gij hozdung gig miz daegsaek Mbanjdung haenx lumjbaenz boq venz gingq laeuj ciep hek, baij ok gijgwn Bouxdung, haeuxcuk bingzan miz fuk “Sah”, hoihlaeuj doxgyoeb Bouxdung daengj. Ram Sah youz haw dwg ciet baiq Sah bouh ceiq youqgaenj haenx. Song boux vunz ram duzyou “Sahsui”, gyoengq mehmbwk rap doxgaiq, fwngz gop haeuxnaengj, riengz canghcae q ciuq gonqlaeng bae seiqhenz gak aen Mbanjdung byaijdin lokfuk. Byaijdin sat le, gyoengq vunz dangdieg vanzlij biujyienj doenghgiy cezmuz, lumjbaenz caij din venz, diuq foux Bouxdung, nauh vaizcin daengjdaengj, haenx yienh’ ok gij fungsug caeuq feihdauh Bouxdung, hawj vunz yawj dwk dava bae. Gyoengq vunz eu fwen diuqfoux, ciengzmienh gig nauhyied.

Sahsui ganqciengx le Bouxdung, yingjyangj le Bouxdung, de dwg diuzsaeu aen minczu neix, engqgya dwg cungj cingsaenz vwnzva aen minczu neix. Gij hozdung “baiq Sah” mboujdan dwg cungj biujyienh coengzbaiq Sah ndeu, caiqlix dwg cungj biujyienh coengzbaiq boux cojgoeng Dahging hoenx hingz vunzdig ndeu.



▲ Vunzlai Dungcu loenghfoux lungzfiengz muengh gomiuz maj noengq.



▲ Ngoenzciet loenghfoux vaizcin muengh ndaem ciengx fungsou.



▲ Vunzlai faen “souh bingzan” caez gwn.



▲ Vunzmbanj soengq hoengz-bau hawj “Sahsui” mbaenj fuk.



▲ Vunzmbanj nyaeb aeu feizgyoq ndaw cauq maranz gouz daihdaih hwnghoengh.



▲ Gij hohfuk “Sahsui” ranzranz soengq daengz.